

- mitor, omnium animantium communione animatus, vel agendo
8. non polluitur. »Nihil equidem ago;« sic arbitretur devotus, veritatis gnarus, cernens, audiens, tangens, odorans, edens,
 9. ambulans, dormiens, spirans, loquens, dimittens, prehens, intuens et connivens quoque; »sensus in rebus sibi sub-
 10. iectis versantur;« ita persuasus. Qui agit, operibus suis in numinis sinu depositis, ambitione dimissa, is peccato non pol-
 11. luitur, sicuti nec loti folium aqua. Corpore, animo, mente, cunctisque sensibus etiam, devoti opus peragunt, ambitione
 12. dimissa, semetipsos lustrandi gratia. Devotus, operum fructu dimisso, tranquillitatem adipiscitur internam; devotione destitutus, cupidinis impetu fructum ambiens vinculis con-
 13. stringitur. Cunctis operibus animo dimissis commode sedet temperans mortalis in urbe novem portis instructa, (i. e. in
 14. corpore) neque ipse agens, nec agendi auctor. Neque facultatem agendi, neque opera mundi dominus creat, nec applicationem ad operum fructum: cuiusque autem indoles prae-
 15. vertitur. Non accipit ullius peccatum, nec vero etiam benefactum Omnipotens. Ignorantia involvit scientiam: hinc errat
 16. genus humanum. At scientiae ope haec ignorantia e quorum animo sublata est, eorum scientia solis instar collustrat
 17. summum istud. Huius memores, huc sese transferentes, huius consortes, in hoc intenti, ingrediuntur viam irremeabilem, excussis scientia peccatis. In Brachmane doctrina et
 18. modestia praedito, in bove, in elephanto, tunc etiam in cane, atque in homine, qui canina carne vescitur, sapientes idem
 19. cernunt. In hac ipsa vita ab iis natura devicta est, qui in aequabilitate perstant. Noxa vacuum nimirum et aequabile
 20. est numen: ideo hi perstant in numine. Non exultet gratum aliquid nactus, nec moereat nactus ingratum, animo ob-